

中國方志叢書·西部地方·第十五號

據

清·宗室興肇等輯
嘉慶十年晒舊本
民國五十八年重抄

影印

新疆省

塔爾巴哈台事宜

(全)

成文出版社有限公司印行

塔爾巴哈台事宜叙

夫事宜者事務之所宜也有宜於昔而不宜於今有宜於彼而不宜於此者因時制宜變通有道斯治之可以成也然其事建立之初即必有謂及後之變通亦必有因要之一合乎宜而已矣壬子歲前叅贊永公曾彙纂事宜略節一冊分門攄款諸案悉備誠一覽即可明晰此地一切應辦事宜且叮嚀於嗣後如遇有更張增易之處隨時贅入云云可謂勤於政而慮之周者也茲恭逢大清彙典查取一切事宜凡於典例有闕者別門逐

類造冊咨部查核送館當諭本處所屬各司將自乾隆三十一年建立塔爾巴哈台以來一切案件逐細清查至嘉慶六年止凡於典例有關者儘數檢出遵照部示條款分年按月纂輯成編業經咨送各部矣因思塔爾巴哈台地方為新疆西北緊要之區西控哈薩克北扼俄羅斯我高宗純皇帝德綏威服山川土地咸入版章遐邇壹體中外禔福迄今三十餘年其戍守屯防之方庫貯倉儲之富布置周密靡有闕遺當今皇上撫馭六宇普恩廣施四夷拱服萬物咸寧斯遐陬永賴以奠安

者皆由因時調劑損益得宜之所致也蒞任甫數十年間案牘已屬繁多檢查業形匪易若將來日久年湮後之蒞茲土者思考其昔日一切建立之源其陸續至今沿革損益之故誠恐檔案或有霉腐不全欲知其所以致治之由又安可得哉予承乏以來六載於茲今且奉召進京愧無可補因敬乘續修會典盛舉查取添建改設各案之會將本處所輯各條令各該有司衙門抄錄成冊存案以備蒞茲任勤於政治諸賢便於綜覽矧壬子至今十年之間如屯工卡倫官廠損益變通之處頗

有數條正宜續脩兼成永公之志今之所輯者以現在
可行直書如綱其沿革損益詳著如目如繼此設有更
張增減之案亦以其文行之事為綱其文行之由具奏
年月續載於條目之後如此存源引流詳於今而不遺
於昔雖萬萬年有如指掌是為叙

嘉慶七年歲在壬戌孟秋果齋貢楚克札布書於公解
之靜遠亭

塔爾巴哈台事宜一冊係乾隆壬子歲前任叅贊永公
彙纂分門攄款諸案脩悉誠可謂多士餽貧之糧而吏
科渡津之筏也且叮嚀於嗣後如遇有更張增易之處
隨時贅入迨至嘉慶己未果齋貢公飭令各有司衙門
將凡於典例有關之件沿革損益之條檢查續入抄錄
成冊亦可謂同聲相應勤政賢能然而冊輯運極周
碩皆依類編叙似未如條目分陳之確當因不揣固陋
謬為分類編輯四本裝潢成套其內有詳所當詳而不
厭其繁略所當略而不嫌其簡逐案逐款務歸明晰以

俟後之蒞茲土勤政治者一目瞭然第自己未續纂之後又復四年可有辦過增添奏咨准覆之案亦有數條並境內山水名目似應續載以承前二公之志嗣後遇有更張增易之處亦可隨時贅入庶免卷帙叅差且得易於稽考則更望於同志者也嘉慶十年歲次乙丑孟夏宗室興肇漫識

塔爾巴哈台事宜

凡例

一凡各條事宜俱以現在可行爲綱書於本條平行之首其設立及沿革損益具奏年分俱詳著於綱領降格之後加一查字

一凡各條事宜內奉有高宗純皇帝諭旨俱高三抬奉有皇上諭旨俱高兩抬

一凡一事而兩條內俱有關係者如叙官俸餉及營制兵防護叙屯田煤窯等條可有章程定例只詳載於本

條之下其關涉條內即不贅叙以免重複

塔爾巴哈台事宜卷之一

塔爾巴哈台事宜卷之一目錄

疆理

附山水

城垣

宮殿

壇廟

叙官

戶口

田賦

錢法

塔爾巴哈台事宜卷之一

關稅

塔爾巴哈台事宜卷之二目錄

襍賦

庫藏倉廩積貯

添設俸餉

開設新疆建立州縣

改設營制兵防

歷次蠲卹

塔爾巴哈台事宜卷之三目錄

議處議叙議卹

軍政薦舉

添建營房

船隻

公廨

倉廩

軍器

水利

薪炭

匠役

貢馬

卡倫

塔爾巴哈台事宜卷之四目錄

軍台

貿易

屯田

官廠牲畜

煤窑

柔遠

荒服

一千餘里

塔爾巴哈台事宜卷之一

疆理

塔爾巴哈台

查塔爾巴哈台地方東至科布多交界烏隆古河約
八百餘里東南至烏魯木齊所屬之庫爾喀喇烏蘇
交界三百八十里南至伊犁交界沁達蘭山三百八
十里西至愛古斯哈薩克部落約四百餘里北至科
布多交界之鄂爾齊斯河六百里至鄂羅斯部落約
八百餘里環山帶河廣袤數千里為伊犁烏魯木齊

之屏藩實新疆西北之雄鎮也距京一萬一千餘里

境內山水

塔爾巴哈台山

即楚呼楚山在城北一百餘里

巴克圖山

在城西七十餘里

巴爾魯克山

在城南二百餘里

額密爾河

在城南七十里河有兩源一自東南一自東北至毛海柯凌匯河西流入阿拉克圖古勒淖爾綿亘三百餘里

裕勒雅爾河

在城南二百里

阿拉克圖古勒淖爾

在城西南三百餘里

額彬格遜淖爾

與阿拉克圖古勒淖爾相隔二里

查七處山河載在祀典此外山則有賽里山

在城東八

百餘里山之陽名霍博克賽里即土爾扈特游牧

有毛海柯凌山

在城東北二百餘里

有鄂勒霍楚爾山

在城東二百餘里

有沁達

蘭山在城南三百八十里與伊犁交界

有格德蘓山

在城西南三百餘里

有達爾達木圖山

在城東南二百餘里

有珠爾呼珠山

在城北

稍東二百餘里

有烏里雅蘇圖山

在城北七十里產煤

水則有固

爾圖河

在城東南二百餘里

有布克圖河

即達爾達木圖河在城東

稍南三百餘里

有額爾齊斯河

在城北六百餘里與科布多交界

有寨

桑淖爾

在城北偏西五百餘里

有噶札勒巴什淖爾

在城東四百餘

里有札哈蘓淖爾

在城東北附近額爾齊斯河

又哈爾海圖小

卡之外有哈拉塔爾依西根淖爾東南戈壁之間有

特依里淖爾以上諸水汲引灌溉多資游牧廣利屯

田惟依西根特依里淖爾不與焉

城垣

塔爾巴哈台城一座週圍二里七分連垛口高一丈八尺底寬一丈二尺海墁寬八尺東西南三門乾隆三十一年叅贊大臣阿桂奏請頒賜城名綏靖東門名翔和西門名布悅南門名遂亨

查乾隆二十九年平定新疆之後經伊犁將軍明瑞會奏奉旨着叅贊大臣綽克托由烏魯木齊帶領綠營官兵六百名來至雅爾地方屯種築建城垣並派撥京健兩營官兵前來駐劄防守嗣於乾隆三十一

年經叅贊大臣阿桂具奏雅爾地方冬令雪大難以
駐劄酌定移進二百餘里楚呼楚地方即現在塔爾
巴哈台築城屯防乾隆四十年四十七年叅贊大臣
慶桂奏請脩補二次乾隆六十年叅贊大臣烏弼伍
惠齡遜奏請脩補一次

宮殿

壇廟

塔爾巴哈台

萬壽宮 乾隆三十五年建於城內正北

關帝廟 乾隆三十五年建於城北樓上叅贊大臣安泰奏

請欽頒御書匾對匾曰聲靈綏祐對曰威行遐服

肅豐慶新每歲春秋二季遵照部頒日期以香

燭牛羊致祭

綏靖寺 乾隆三十五年奏請建蓋內塑佛像每年喇

麻諷誦萬壽皇經

查綏靖寺自乾隆庚寅年建蓋至嘉慶甲子三十餘年剝宇頽塌忝贊大人宗室興肇捐金並該寺喇嘛募化將上殿兩廡重修金裝佛像並添建常馱殿一座

先農壇 乾隆三十五年建在南門外每歲遵照部頒

日期以香燭牛羊致祭

山河七處致祭軸文係乾隆三十一年忝贊大臣阿桂奏請欽頒祭文七軸

塔爾巴哈台山祭文曰

維某年月日皇帝遣某官致祭於塔爾巴哈台山之神曰惟神衍脈天山効靈中土表崇高於北徼標形勝於西陲夙稱邊塞之屏藩聳重巒而特出永作鴻圖之拱衛環疊嶂以相維瑞靄祥氛答四時之靈貺升香薦幣昭萬載之懷柔秩祀攸隆洪庥丕著

巴爾魯克山祭文曰

維某年月日皇帝遣某官致祭於巴爾魯克山之神曰惟神列方兌位合鎮坤維疊蒼翠於層巒蔭鬱葱之嘉

禾虬枝吐秀靈踪標太華而遙雲葉交陰勝蹟紀流涉
之外奠新疆而永固保障斯存護邊塞以垂庥馨香特
薦尚希來裕永享明禋

巴克圖山祭文曰

維某年月日皇帝遣某官致祭於巴克圖山之神曰惟
神挺秀坤輿建標兌位嵯峨設險奠崇基於月蝕以西
磅礴鍾靈分大幹於天山之北通往来於諸部棧接梯
連壯形勢於殊方峰層嶂疊高宗純皇帝八紘在闡六
寓爲家開荒裔之土田皆成沃壤起大蒙之亭障不限

提封仰承靈貺之攸昭正值耕屯之廣布亘千盤而積
雪暗浹溫膏摩萬仞以干霄同瞻巨鎮用是登諸祀典
載在禮官俾旅祭之以時庶明禋之有秩自此興雲布
雨長資亭育之功惟茲薦醴升香益廣懷柔之化神其
來格鑒此苾芬

額密爾河祭文曰

維某年月日皇帝遣某官致祭於額密爾河之神曰惟
神績奏安瀾祥符泰運地雖臨乎遠塞派原共此朝宗
一水淵渟流未同夫竹箭千層歛灩風自息乎鯨波入

我版章共九河而貢順既茲禾黍普百室以胥盈是用
嘉彼靈長登之秩祀用答神貺永固鴻基

裕勒雅爾河祭文曰

維某年月日皇帝遣某官致祭於裕勒雅爾河之神曰
惟神德毓靈源符標上善妙柔明而不滓抱清淨以無
塵遠浦渟涵勢縈廻而似帶晴瀾皎晶光潏灩以如銀
值衆部之輸誠知百靈之効順禾麻長養咸知布潤之
功黍稷馨香宜有明禋之報用昭靈貺庶答神庥
阿拉克圖古勒淖爾祭文曰

維某年月日皇帝遣某官致祭於阿拉克圖古勒淖爾
之神曰惟神協靈浩澤潛潤遐荒標名勝於月窟以西
作襟帶於天山之北王師飛渡瑞同疏勒之名泉大漠
永清廓北蒲昌之靈海將屯衛資水泉之美普沃新疆
而邊庭仰雲雨之司用昭明德爰脩祝典遙薦馨香
額彬格遜淖爾祭文曰

維某年月日皇帝遣某官致祭於額彬格遜淖爾之神
曰惟神德茲邊土潤被遐陬接葱嶺以環流繞天山而
表勝澄光不動淵渟受衆壑之歸湛影惟清派合溥流

泉之利灌平原而惠早看沃澤與屯通遠磧以効靈益
慶恬波利涉宜崇禋祀用答神庥

每歲由太常寺頒發香帛十四分春秋二季遵照部頒
日期繕寫祭文在於東門外潔淨地面設壇以香帛牛
羊致祭土爾扈特游牧賽里山之陽舊有廟一座乾隆
四十七年叅贊大臣惠齡據情奏明親王齊里布自行
重脩一次嘉慶元年親王策凌烏巴什自行重脩一次
嘉慶五年呈懇代奏請匾經叅贊大臣^貢楚克札布據情
咨理藩院彙題嘉慶六年准理藩院頒發欽賜土爾

扈特游牧廟匾曰普恩寺

滿漢西番蒙
古四體字